

05 նոյեմբերի 2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ  
**ՈՐՈՇՈՒՄ թիվ 035853/18**  
ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ  
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, ուսումնասիրելով 05.11.2021թ. թիվ 35853 վարչական իրավախախտման վերաբերյալ արձանագրությունը, քննելով թիվ 35853 վարույթը և կից նյութերը,

**ՊԱՐԶԵՑԻ**

Անհատ ձեռնարկատեր Արաքսի Հովհաննեսի Մխիթարյանի (ՀՎՀՀ 80054809) հարկային պարտավորությունները՝ համաձայն հարկային մարմնում առկա անձնական հաշվի քարտի տվյալների 26.07.2021թ-ի դրությամբ կազմել է 339.351 դրամ, որից 73.340 դրամն առաջացել է 2021թ. հունիս ամսվա եկամտային հարկի հաշվարկից, 141.700 դրամն առաջացել է 2021թ. 2-րդ եռամսյակի շրջանառության հարկի հաշվարկից:

Արաքսի Հովհաննեսի Մխիթարյանի (հասցե՝ ք. Վանաձոր, Տպագրիչների 9-40, անձնագիր՝ AN0363574), կողմից 2021թ. հունիս ամսվա եկամտային հարկի հաշվարկից առաջացած 73.340 ՀՀ դրամ գումարը, 2021թ. 2-րդ եռամսյակի շրջանառության հարկի հաշվարկից առաջացած 141.700 ՀՀ դրամ գումարը ՀՀ Հարկային օրենսգրքի 158-րդ, 262-րդ հոդվածներով սահմանված ժամկետներում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170<sup>3</sup> հոդվածով:

Վարչական վարույթի շրջանակներում Արաքսի Հովհաննեսի Մխիթարյանին փոստային ծառայության միջոցով ծանուցագիր է ուղարկվել: Նկատի ունենալով, որ 22.09.2021թ. դրությամբ ծանուցագրի ստացման փաստը հավաստող ապացույց առկա չէ, ՀՀ ՊԵԿ իրավաբանական վարչության պետի կողմից 22.09.2021 թվականին կայացվել է վարչական վարույթը կասեցնելու մասին որոշում՝ համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «գ» կետի:

Կողմին հայտնաբերելու նպատակով ձեռնարկվել են համապատասխան միջոցներ: Գործում առարկություն կամ բացատրություն առկա չէ:

Այն փաստը, որ Արաքսի Հովհաննեսի Մխիթարյանը մեկ տարվա ընթացքում չի կատարել իրավախախտում, սույն գործով դիտվում է որպես պատասխանատվությունը մեղմացնող հանգամանք:

Նկատի ունենալով, որ ակտի հասցեատերը ի հայտ է եկել, ուստի հաշվի առնելով վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 3-րդ մասով, Վարչական իրավախախտումների վերաբերյալ ՀՀ օրենսգրքի 170<sup>3</sup> հոդվածով, 32-րդ հոդվածի 2-րդ մասով, 33-րդ, 244<sup>2</sup>, 281 հոդվածներով և 282 հոդվածի 1-ին մասի 1-ին կետով՝

## ՈՐՈՇԵՑԻ

1. Արաքսի Հովհաննեսի Մխիթարյանի վերաբերյալ հարուցված վարչական վարույթը վերսկսել:
2. Համաձայն ՀՀ Վարչական իրավախախտումների վերաբերյալ օրենսգրքի 170<sup>3</sup> հոդվածի, Արաքսի Հովհաննեսի Մխիթարյանի նկատմամբ կիրառել վարչական տույժ՝ նշանակել տուգանք 10.000 (տաս հազար) դրամի չափով:

ԻՐԱՎԱԲԱՆԱԿԱՆ  
ՎԱՐՉՈՒԹՅԱՆ ՊԵՏ



Ա. ՄԵԼԱՅԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն Վարչական տույժ նշանակելը վարչական իրավախախտում կատարած անձին չի ազատում նախ պարտականության կատարումից, որը չկատարելու համար նշանակվել էր վարչական տույժ (հոդված 40)

Վարչական իրավախախտման վերաբերյալ գործի որոշման դեմ գանգատ կարող է տրվել որոշումն ստանալու օրվանից հետո երեսուն օրվա ընթացքում: Նշված ժամկետը հարգելի պատճառներով բացթողնելու դեպքում այդ ժամկետը կարող է վերականգնվել գանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում:

Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը գանգատարկելու կամ բողոքարկելու դեպքում՝ գանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) գանձապետական հետևյալ հաշվեհամարին՝ **900005240487**, վճարման անդորրագրի <<նպատակ>> դաշտում պարտադիր նշելով որոշման համարը:

Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով:

Ստացա որոշման պատճենը \_\_\_\_\_